

釋迦文佛誕生疏ok

四月初八日

伏以

麥秀兩岐正炎帝承離之月奠敷八莢喜

釋迦夙震之辰九龍吐沐于當年萬民慶祝于此日爰有

越南國寧平省里仁社關兩村 依于 淨處居

上奉

佛聖獻供夏天慶旦祝壽祈福迎祥祈國太民安家和人旺村內榮花延

生長壽事今臣釋子

合全民村太老善信皈依諸家人眾等

即日香飛一縷結寶蓋于鷲頭峰上花燃九品幻

蓮臺於 鷄足山中他心速鑒

天眼遙聞言念某既識五常愧躄覆之未逮岡脩十

善慮業障之或纏謹將一縷良因克作萬年福本茲運四月初八日 廼

南無三界大師四生慈父釋迦牟尼文佛

青蓮座下

右肋降生之旦左手指天之辰某等虔備香燈果品供養

佛法僧寶志心祝萬年之

聖壽叩頭吐一楮之凡情恭惟

世尊青蓮座下

性便寂滅智運光明現身于刹利之宮悟意於淨居之牖遂得出家之蘊

竟酬入嶺之因依種種門學非非想說三百五十會之妙法運四千八萬

座之浮屠茂彰西國之靈普度南閩之眾某素沐

慈麻恭逢瑞誕事集同盟特陳清供在周質降但緬想不見之常星與國無彊

願長彼相輝之慧日謹疏

天運



年

四

月

日臣弟子沙門叩首和南拜上